

程

利

畢秋帆奏稿

豫換任內



奏為恭謝

天謝恩事竊臣賚摺差弁回豫奉到

恩賞福字鹿肉等件當即恭設香案望

闕叩頭祇領伏念臣仰承

恩命調撫中州屢沐

鴻施時膺

河南巡撫臣畢 跪

殊錫駕駘自効幾忘歲序潛移寅畏方深猥荷

春祺普錫

奎文下賁燦斗極之瑤光

珍品遙傳分雲腴於

玉饌崇深燕喜之感切蟻忱竊惟豫省地本中區情殷得歲

昨者六花表瑞既徵

天眷之昭回今茲

三錫承庥復荷

聖慈之漸被將見嘉祥默召協氣潛通慶衍箕疇鳳紀叶和甘

之兆廣同周雅鹿鳴陳燕樂之觀歡是蒙

恩雖屬於微臣而受

福已孚於兆姓拜嘉有耀申頌無疆所有感激下忱謹繕摺具

奏恭謝

天恩伏祈

皇上睿鑒謹

奏
正月初四日具 奏

奏為恭謝

天恩事竊臣賫摺差弁回豫奉到

欽賜經筵御論一卷當即恭設香案望

闕叩頭謝

恩祇領欽惟我

皇上

學懋緝熙

功崇博濟觀文成化

經惟昭歲舉之常率育綏猷寰宇著時雍之盛猶以鞠謀

垂訓溯初政于疇時煦燠

殷懷輯成謨於往帙軫求莫求寧之

至意

大君直是慈親沐來咨來茹之

深恩黎庶無非赤子

奎詞鄭重見

聖王饑溺之心

睿慮周詳識造物與胞之量臣才漸撫字職任封圻蒙

宸眷之頻加

鴻慈曲被繹化源之所自

榮訓親承允宜董厥羣僚奉

謨誥而特文聞咨做垂諸貞石瞻日月而共仰非恒所有感激
下忱謹繕摺具

奏恭謝

天恩伏祈

皇上睿鑒謹

奏 正月二十四日 奏

奏為恭謝

天恩事本月十二日臣欽奉

恩旨

賞穿黃馬褂當即叩頭祇領伏念臣猥以凡材仰蒙
殊眷早年釋褐安韋布以潔修

中禁簪毫荷宮袍而拜

賜憶昔

上蘭述職曾邀鳳翠纓彩今茲

行殿承

恩共艷鵝黃衣染

鴻施寵逮允符元吉之嘉占馬上輕披式秉中央之正色宣出

際花明

玉輅春服攸宜穿來當柳綻金絲風華遙映

榮光被体弥殷捧

日而心懸絢彩章身甫慰瞻

雲而感切輝耀於

屬車豹尾仰惟

聖世隆儀趨承夫

寶幄

龍光寔係儒臣竒遇

崇頌逾格真叨華袞之榮循分增慙益凜素絲之詠臣惟有冠
簪率正謹慎持躬安吉常懷用佩服衆之訓涓埃勉效上

聖世酬 情覆之仁所有感激下忱謹繕摺恭謝

天恩伏祈

皇上睿鑒謹

奏 奏 三月十三日 奏

奏為恭謝

天恩事本月十四日臣蒙

恩賜

御製詩一章當即叩頭祇領欽惟我

皇上仁育為懷

智周及物

望歲於歲飢之後彌軫思艱

施恩於恩決之時倍勤作又憶自去春

頒賑重費金錢迄於冬季偏災咸資饘粥固已歡騰中土慶千

秋未省有之遭感切下民普億姓更生之樂矣茲者甘霖

溥汎廣陌含滋

謂當耕耨之及時猶恐青黃之不接催科暫緩無煩比戶追給

種均霑俾盡服田力作仰荷

鳳書重下決髓淪肌復蒙

鴻翰親揮聲金振玉如傷

在抱

綸言邁謨典以昭垂與物同春

寶墨灑雨膏而沃潤臣惟有服膺

訓示加意撫綏敬布

德音大起農功於萬井高懸

奎藻廣舒民氣於萬井高懸兩河所有感激下忱謹繕摺具
奏恭謝

天恩並敬和

御製元韻一章上呈

乙覽伏祈

皇上睿鑒謹

奏
三月十五日具奏

奏為恭謝

天恩事竊臣賫摺差弁回豫奉到

頒賜錠子藥一匣當即恭設香案望闕

闕叩頭祇領伏念臣仰承

恩命綏撫中區駕力未宣

鴻施屢沐昨者恭迎

翠蹕既叨

寵賚逾常今茲敬展黃封復荷

分頒有耀按桐君之秘錄方出千金殿芝檢於琅函香霏百和

崇深燕喜感切蟻忱竊惟中州地本上腴時逢首夏仰

勤求於宵旰既已點名和甘寓調劑於陰陽益使潛消疹戾謹

當導揚

恩意佈散清芬均佩服於百僚廣節宣於四境際此長羸之淑

景葵向彌殷挹

上苑之芳馨芝銜竊效所有臣感激下忱謹繕摺具

奏恭謝

天恩伏祈

皇上睿鑒謹

奏 四月二十二日 奏

新授湖廣總督河南巡撫臣畢沅

奏為恭謝

天恩事竊臣承准

諭寄乾隆五十一年六月二十九日內閣奉

上諭湖廣總督員缺着畢沅補授欽此伏念臣起自寒微仰膺

特達讀書

中秘七年分纂閣之輝秉節西陲十稔聽華封之頌春去觀

光九陞調撫兩河閭閻當鴻集之餘隄埵值鳩工之候和甘兆
稔默速

誠意之孚感字鞏固永期允賴機宜之
指示是有慙于陳力初無補於在公茲復敬奉

溫綸遠膺重寄二十三府州任劇咸待網維七十四水陸營聯
胥資控制在

聖主恩同高厚固藉彰策勵之方微臣才媿葑菲竊幸際遭逢
之盛是以感深成涕寵至若驚懼報稱之多踈異施為之
克副仰藉

霄雲湛露釀為陰雨之膏平臨江漢清流弥切深淵之警庶盡
秋毫之臣職仰酬萬一之

鴻慈所有感激下忱謹繕摺具

奏恭謝

天恩伏祈

皇上睿鑒謹

奏
七月初七日奏

奏為恭謝

天恩事本年豫省河工秋汛安瀾奉

上諭畢沅着交部議叙欽此伏念臣猥以凡庸叨膺委寄分任
修防之責日事疏宣懼無保障之材時深兢惕分支析派
去年幸獲安瀾培厚增高今歲復遵順軌此寔恭承

綸綍親

指夫示机宜

頒發金錢俾襄成于工作幸

神麻之克迓昏臣分所當為廼沐

鴻慈

特加優叙荷

褒榮之異數倍凜冰淵仰

高厚之隆施深銘肌髓惟有式勤孽畫念切隄防安益求安永

冀長流之穩順慎之又慎早為未雨之綢繆庶盡臣職于

秋毫仰報

聖恩于萬一所有感激下忱謹繕摺具

奏恭謝

天恩伏祈

皇上睿鑒謹

奏 八月初六日具 奏

奏為恭謝

天恩事臣賈摺差弁回豫奉到

恩賞福字及鹿肉野雞等件當即出郊跪迎至署恭設香案望

闕叩頭祇領竊臣猥以渥駕鉞沐

鴻施久叨養生成難名

高厚莫効涓埃報稱特切悚惶茲當鳳律初調復荷

龍光載沛箕疇慶衍歛敷昭

皇極之符

羲畫親承結構仰天成之妙叶新韶于斗柄六宇同春煥麗景

于奎躔

九重錫福况復崇分俊味品出

^尚上方彩羽銀蹄佳產久傳夫芝圃雕盤翠俎濃芳早范夫南

厨垂五色之祥雲

佛光湧現歛三宵之瑞露

仙饌甘分仰邀

寵賚之駢蕃益切私忱之感泐惟願歛和食德同諧愷樂于春

臺迪吉延禧廣布

恩膏于豫壤拜嘉有耀申頌無疆所有臣感激下忱謹繕摺具

奏恭謝

天恩伏祈

皇上睿鑒謹

奏 十二月二十九日 奏

奏為恭謝

天恩事竊臣費摺差并回豫奉到

恩賜錠子藥一匣當即恭設香案望

闕叩頭祇領伏念臣忝任中區久膺

慈眷茲屆天中之令序復邀藥品之

寵頒畫駟傳來

三霄露湛錦囊啟處百和香霏喜中州民氣恬舒庶咸臻於仁
壽仰

聖主恩膏渥厚異永慶夫康寧所有臣感激下忱謹繕摺恭謝
天恩伏祈

皇上睿鑒謹

奏
五月十二日
奏

奏為恭謝

天恩事竊臣賁摺差弁回豫奉到

欽賜皇極殿燈聯詞墨刻當即恭設香案望

闕叩頭祇領欽維我

皇上

治光太乙

道洽重熙

皇極宏開調四時之玉燭

乾符朗曜齊七政於璿璣華燈凝不夜之輝寶柱燦宜春之
字八方風暢紅雲護龍鳳以銜花

三殿霄澄碧月映鸕鷀而摘藻清詞塵

乙覽如繪萬象家田燭之圖巧製軼丁工恍陳七月豳風之
咏煥九華而

丹毫親洒紀令序于正元永萬年而綠字新鑄炳榮光于於
寧壽敷宣實政匪取銀花火樹之觀歌舞昇平允覩仙露卿卿
烟之瑞臣心殷颺拜筆謝清新聞

韶濩而雅協宮高仰

照臨而光依日月昔奉彩毫侍從藜杖分榮茲膺

翠傳頌蘭釭並麗敬誦珠聯璧合如掄甲子之循環妙窺
字裏行間欣挹星雲之爛熳所有臣感激下忱謹繕摺

奏謝

天恩伏祈

皇上睿鑒謹

奏 七月初三日 奏

奏為恭謝

天恩事竊臣於八月十六日欽奉

恩賞乳酥一匣當即恭設香案望

闕叩頭祇領伏念臣等猥以庸材仰膺

殊眷沐醍醐之

愷澤沃黍養之

隆恩臣蘭責任宣防臣畢職兼河務乃以奉職多疎致有漫溢
河工之事荷蒙格外

鴻慈不加嚴譴臣心慚感夢寐難寧迺又

寵賚特頒

隆施通分

恩榮愈重悚惕弥深現當大工吃緊之時臣等惟有殫竭愚衷

交相策勵晝夜趕辦以冀一舉歲工仰報

高厚鴻恩于萬一所有臣等感激下忱理合恭摺

奏謝

天恩伏祈

皇上睿鑒謹

奏 八月二十日 奏

天恩事竊臣欽奉

上諭畢著照本任罰出養廉二年從前降革處分俱着准其

開復欽此伏念臣猥以凡材久膺鉅任延愆尤之屢蹈蒙
高厚之矜全疊予

優容獲僅鑄夫虛秩仰邀

奏為恭謝

京樣

隆昌字號本



甄錄仍留鎮夫要尾茲者蒙

新命之崇頒俾舊瑕之盡棄頭銜增重實惶悚以難名

手詔優加愧涓埃之莫効惟有駕駘加奮倍深策勵之懷葵藿

同傾益矢敬恭之念莫盡分毫之臣職仰酬萬一之

鴻慈所有臣感激下忱謹繕摺恭謝

天恩伏祈

皇上睿鑒謹○奏

十月初五日

奏

奏為恭謝

天恩事臣賁摺差弁回至工次奉到

恩賜鹿肉一方當即望

闕叩頭祇領訖竊臣質愧駑庸塵違

豹尾踈虞默省勉貽翼濡之譏

慈惠遙頒榮邁食革之典惟

皇仁之詠蕩

湯網聿開仰

聖武之布昭

軒弧載握肆軍因而服猛三驅用獲雲蹄

行賞爰以頒禽五色更徵仙脯范

上蘭之清露誦呦呦而拜

賜崇朝際中土之安瀾歌濯濯而成工不日芝銜叶瑞式臻百

祿之攸宜葵向抒誠敬祝

萬年之純嘏所有臣感激下忱理合繕摺恭謝

天恩伏祈

睿鑒謹

奏

十月二十日具

奏

奏為恭謝

天恩事竊臣賁摺差弁回豫奉到

恩賞福字鹿肉等件當即恭設香案望

闕叩頭祇領伏念臣材愧凡庸

恩叨養養三年撫豫考功績以無祿上策籌河竭涓埃而莫報

茲值春廻玉琯復蒙

敬錫

彤廷

宸翰親揮比義畫乾文而更重

奎光普照仰

帝居陽曜以俱高加以品出

尚方識七星之是貴甘分仙脯知六擾之非珍

琤題煥彩于中天屢膺善慶鼎食邀榮于正席長俾壽康感切

綏成

德深飫飽臣惟有敬承

敷錫勉効驅馳迎介祉於康衢首歌小雅播純禧於

汴土徧惠羣黎所有臣感激下忱謹繕摺具

奏恭謝

天恩伏祈

皇上睿鑒謹

皇奏 十二月十九日具奏

天恩

奏

於

奏

奏

奏

奏為壽婦年逾百齡五世一堂恭摺奏

聞以昭人瑞事據布政使江蘭詳稱衛輝府獲嘉縣壽婦徐汪

氏現年一百八歲曾元統勝五世堂據伊族人隣人等具

結呈報前來臣覆查得該壽婦徐汪氏賦質堅貞秉姿淑

慎茅簷愛景沐雨露于

三朝節塵含飴裕雲初于五世慶延甲子永依

化日之舒長齒過期頤洵屬
熙朝之異瑞此皆我

皇上道隆參贊敷天宏

愛育之仁

德懋中和率土荷

生成之福是以薄海咸登上壽寒閨並樂恒春允稱草野之嘉

祥宜沐

旌揚之盛典除將冊結另行咨部外臣謹恭摺具

奏伏祈

皇上睿鑒謹

奏
正月初一日奏

奏為恭陳賀悃仰祈

聖鑒事本年二月初五日接直隸督臣來信稔知臺灣首逆林
爽文業已擒獲臣迭聽喜音莫名懽忭欽惟我

皇上

德敷薄海

威震寰瀛梯航暨九譯以齊來玉帛奉三正而罔怠何圖小

醜遽敢跳梁據險山林負岬海嶠背故園之桑梓作礙道
之荆榛致塵

宸衷上煩

廟算勤勞

宵旰

殿前陳聚米之形

指授機宜閩外畀長城之寄專分符于三帥月照戈鋌萃勁旅

于五營風生旌旆加以黔黎赴義爭荷戟以從戎獠獠歸

誠願請纓而繫頸門蹂斗杓通軍道之矜喉埔克中林擣克

渠之巢窟抗纜半載全坑以寧勝不崇朝罪人斯得難烽

警息銘銅柱以止戈掃穴功成指滄溟而洗甲此昏仰承

睿斷遠運剋期神机即快乎殲除絕島共安夫耕鑿蜃樓市幻喜霰隼之

潛消鹿耳門開送艨艟以直下乍聽羽書喜報正逢

玉輦時巡萬姓騰懽迓

乘輿而獻頌

一人有慶展露版而酬庸臣幸際

昌期欣逢捷奏惟知舞蹈莫罄形容謹繕摺

奏賀伏祈

皇上睿鑒謹

奏
二月初六日 奏

奏為恭謝

天恩事竊臣賁摺差弁回豫奉到

恩賜

御製文二集函當即恭設香案望

闕叩頭祇領訖欽惟我

皇上

觀文成化

出言為經

天縱多能貫內聖外王而立極

日新富有合武功文德以垂謨粵在昭陽協洽之年曾逢

敷錫訓行之盛金聲玉振莫窺精蘊之于

瑤編雲燦星輝久覩光華于

奎藻奉

聖人之至教披尋而肅若橫經昭天下之

大文炳耀而尊同垂象固已楷模萬世囊括三倉矣廼閱二十

二年之久更添四十四卷之繁賅洽古今昭垂

典則多文為富

精神偕歲月以彌增妙緒環生

制作與嶽辰而並麗華實兼而歸于盡善矩矱備而集其大成

卷中多憂勤惕厲之思無非敬

天法

祖字裏挾愷惻肫誠之隱要皆敷政宜民遙探前聖淵源
經帷討論炯鑒累朝法戒史簡彰瘴正德利用厚生

典陳頒渙汗而光茲大業

省方觀民設教法乾行而宏此遠謨甚至方名象數之微參考
並歸于確當文字聲音之細剖析必極夫纖毫誦全編而
浩乎莫測其涯欽

心得躬行之妙用合前集而粹然一出于正覺思維贊歎之難
名臣才謝操觚學慙窺管夙依

秘府久泰封圻每于前席之時

示以古文之旨綜

事功以成經緯始知載道之足徵融典籍以擷精英共仰

立言之有本兩大參三而並壽天地同文六經成七以常昭後

先合揆大哉

王言一哉

王心直歷唐宋八家而體裁獨創魏乎成功煥乎文章遠契周
孔二聖而

德位彌隆錦帙

頒來紫氣藹嵩雲之色牙籤捧至榮光騰洛水之濱莫罄揄揚
惟深敬佩所有臣感激下忱謹繕摺恭謝

天恩伏祈

皇上睿鑒謹

奏

四月十四日具

奏

奏為恭謝

天恩事竊臣奉到

恩賞乳餅一匣當即叩頭祇領訖伏念臣叨膺

寵命屢沐

殊施甘沃醍醐

恩深豢養茲

聖主軫災區之饑溺

旰食為勞而微臣切民隱之艱鮮素餐滋愧仰賴

皇仁饜飫已安鴻雁于三秋載歌

帝德涵濡免採蕪菁于四野臣飲水自凜每飯不忘何期

寵錫天厨分

尚食堆盤之珍餠

榮叨

御饌頒太官列案之瓊酥

賞賚有加戰兢無地所有感沐下忱謹恭摺

奏謝

天恩伏乞

皇上睿鑒謹

奏

十月十七日具奏

奏為恭謝

天恩事竊臣承准

廷寄乾隆五十三年七月二十日內閣奉

上諭湖廣總督員缺著畢沅補授畢 接奉此旨不必來行在
請訓即速往荊州辦理撫恤各事宜欽此伏念臣猥以凡材

仰邀

殊眷泰封圻之久任沐

養之

深仁曩者承乏西陲既涓埃之未報効此日撫綏中土更隕越
之滋虞素餐負疚於隱衷補過未遑于夙夜廼荷

新恩下逮

巽命重申提封俾總夫兩湖控制適當夫三楚念荆郡之堤塍
潰溢首重修防况灾氓之家室漂搖急資賑卹卹兼以整綱

飭紀正須治理之一新大法小廉端賴潔清之首勵臣自
顧何人膺茲重寄捧

恩綸而悚惕亟戒道以馳驅惟有关慎矢勤寔心寔力體
聖主肅清吏治之意

誥誠特銘異小民轉移風氣之淳冰淵倍凜庶竭秋毫之臣職

天恩 仰酬萬一之

鴻慈所有臣感激下忱謹繕摺具

奏恭謝

天恩伏祈

皇上睿鑒謹

奏
七月二十四日奏

奏為恭謝

天恩事竊臣賫摺差并回豫奉到

欽賜錠子藥一匣當即恭設香案望

闕叩頭祇領訖伏念臣忝任中區屢邀

殊錫茲際浴蘭之令序復蒙良藥之

寵頒珍品勻調挹清芬於百和竒方合劑傳秘製於千金佩歷

靈符奚藉菖蒲九節功逾蓄艾漫尋芝草三葩仰承沐
鴻慈彌殷普惠所有臣感激下忱謹繕摺具

奏伏祈恭謝

天恩伏祈

睿鑒謹

奏

五月初五日

奏

奏為恭謝

天恩事竊臣費摺差弁回楚奉到

恩賞福字鹿肉野鷄等物件當即出郊跪迎恭設香案望

闕叩頭祇領伏念臣猥以凡材久膺

渥寵拊拊循三楚愧稱職之為難綏輯兩湖尤素餐之滋懼茲

當玉琯回春之候正值

彤軒介祉之時運

羲畫于九重道隆錫羨衍箕疇于一字慶叶延洪乃
降福既申頌無疆而受祿更同歌有祐分雕盤

雕盤之仙脯斗燦瑤光沾

玉饌之嘉珍文披彩羽以臣謏陋荷此

隆施感切蟻忱榮深燕喜竊惟楚省歲逢歉薄俗未淳龐昨者
闔澤宏敷已遍協乎鷄山鰈水今此

春祺普被益群呼夫壤叟衢童將見協氣渚通休徵默名飲和

食德同游

醴化于農桑迪吉迎禧廣布

醴膏于湘漢

恩來天上春滿寰中是拜

榮雖属于微臣而受

福已孚于兆姓臣曷勝感激榮幸之至謹恭摺

奏謝

天恩伏乞

皇上睿鑒謹

奏

十二月二十八日具

奏

奏為恭謝

天恩事竊臣欽奉

恩賜御

御筆仿李迪雞雛待飼圖墨刻一卷臣跪領之下感悚難名欽

惟

皇上念切勤民

學無游藝啟

西清之秘笈

賞心已觸乎窮黎披北宋之珍圖接目隱關乎

睿慮羣生在宥

仁周鰥水鷓山

帝德如天

澤遍政行喙息

御宇五十三載憂勤在稼穡艱難豁民億萬千租

懷保軫閭閻疾苦茲者水淹鶴渚既賑卹之優加災告龍山復

城堤之大舉

恩波疊沛江鄉無碩鼠之歌

溫綉頻傳澤國免哀鴻之賦乃

皇上幾餘覽物猶觸景以增懷藝事摹形尚留題而

愷念爰託雞國雛之待飼用憐災壤之啼飢

拈柔翰以寫生勅貞珉而垂

訓念弼弼方深求母可通待哺之蒼生即朱朱未解登場不異

呼庚之赤子寓痼瘵于筆底陋唐人十玩之圖抒胞與于

行間小周室五雜之政臣拜圖滋感繫矩增慚

奎藻擊來皆

聖王如保如傷之隱

璇摹捧到悉

哲后已飢已渴之心伏念臣蒙

泰養

殊恩躬荷封疆之重寄際災區之蕩折負乘為虞當民食之艱

鮮素餐是懼惟有勤思撫字胥回雁戶於春臺渥布

恩膏盡轉鶉衣於溫谷且仰廣

誠求至意鑄摹以遍及臣僚俾共知

頌賜慈懷警觸而常憂民莫長願林林總總遊豳風

萬壽之天益深戰戰兢兢守
墨寶五言之

訓勉竭涓埃之臣職冀酬

誥誠之

鴻恩所有感激下忱謹恭摺

奏謝

天恩伏祈

皇上睿鑒謹

奏

十一月十五日具

奏

奏
皇
上
香
案
到

奏為恭謝

天恩事竊奉到

欽賜

御批通鑑全部當即恭設香案望

闕叩頭祇領欽惟我

皇上

道契義圖

心懸軒鏡

啓史成之秘檢鑑古綏猷

綜策府之羣書因心作則彙紀事編年之例苞括無遺執心

源治法之樞折衷至當西山發篋抒

特鑒於珠毫

乙夜陳編運

新裁於玉簡猶以宋臣通鑑生面未開載經

御筆標題微言獨闡于發前人所未經發是非一例春秋言臣

下所不能言法戒聿嚴袞袞治忽關人心天命爰植綱常

名教之大防筆削重正統偏安寔本至正大公之淵量括

精微於全帙炳日輝星資考定於羣言平衡空鑒讀書得

間用大書以特書下筆如神迺盡善而盡美鑄之

秘府永垂琬於石渠

賜及臣工並作勸懲之寶鑑臣學疎四部才乏三長曩者受簡
西清曾忝忝火局今日成書

東觀獲捧

琅函敬仰繹乎珠編儼若躬承夫

金鏡昭

一人之獨斷予奪惟嚴垂千古之定評褒譏不易式遵成憲百

禮卷廿卷悉皆資治之原參恭頌

敷言億萬載共仰

勅幾之學臣曷勝光榮感揚之至謹恭摺

奏謝

天恩伏祈

皇上睿鑒謹

奏

二月二十六日具

奏

奏 二月二十六日

皇上

天恩

奏

味

傳言

本

奏為恭謝

天恩事竊臣接准吏部咨本年

京察屆期開列各督撫名單具

題奉

旨畢着交部議叙欽此欽遵移咨到臣伏念臣猥以凡庸久

前塵

清要由館閣而膺專閫久叨節鉞之崇自秦豫而制金湖復
受受師干之寄極萬民於饑溺仰賴
宵旰憂勤奠三楚於乂安莫効涓埃補救正愧拊循之術尤
虞艱鉅之難勝茲逢

天令典激揚重荷

洪慈獎叙領巖疆之鎖鑰廿年疊被
殊崇拜

親闕之

絲綸六考均邀上最凡僚屬盡驚為異數真儒生罕得之遭逢
即冰淵自凜於方寸衷寔臣子難酬之

高厚臣惟有倍加策勵益矢靖共受

恩恐未克酬

恩祈免鵜梁之謂奉職終勉求稱職時懷黿戴之虞冀盡臣分

於秋毫仰報

鴻慈於萬一所有臣感激^悚下忱謹繕摺恭請

天恩伏祈

皇上睿鑒謹

奏

三月二十日

奏

奏為恭謝

天恩事臣賈摺差弁回楚奉到

恩賞錠子藥一匣當即叩頭祇領竊臣忝膺重寄疊荷

隆施茲際節屆天中時逢炎景彩絲輕繫妙霏百和之香錦匣

遙頌功勝三年之艾出

尚方之修製紉佩增華萃異品之精英寶符並麗洵足導和

而宣滯抑資順序以延休臣仰沐

慈光幸沾

寵錫莫名感激難罄抃歡所有臣榮幸微忱謹繕摺恭謝

天恩伏祈

皇上睿鑒謹

奏
五月二十八日 奏

奏為恭謝

天恩事竊臣奉到

欽賜

御製平定臺灣二十功臣像贊序墨刻一卷生擒林爽文紀事
語墨刻一卷生擒莊大田紀事語墨刻一卷當即恭設香

案望

闕叩頭祗領欽惟我

皇上

恩施薄海

化叶寰瀛

天威與德而均宣

言以功而益著

聲教訖無雷之國六幕誠和耕鑿安出日之鄉八風調暢蠢

茲小醜遠隔重洋作孽自外生成怙惡敢辜亭育為

王章所不赦實

天討所難寬易二帥之長城

握九重之勝算鼇峰岬負萃省數之精兵鹿耳門開集千櫓之

戰艦帆掛則天吳海若盡効從風師行則駭浪驚濤直同

平地奮金戈而殲巨鱷魚龍亦助揚威揮玉斧而剗妖鯢

雷雨俱為作氣砮摧大里馳殲騎而莫當賊翦老衢出渠

夷之不意林奕文為前驅之縛落距摧牙莊大田甘後至
之珠疑誅焚巢掃穴由是策勛進爵誼禮陳停歌杖杜以勞還
師設苴茅而酬專閫形圖麟閣寫褒鄂之英姿績紀

鴻章軼軒虞之盛軌運

神謨于殿上是

天亦人策羣力于師中先遲後速此固
上蒼垂貺祐篤生民未有之

君良由

至德凝承洪延萬載

古稀之

聖仰賴永清

偉伐海隅咸慶升平更厘偃武

淵衷

黼宇彌深乾暢鑄之琬
隱示持盈保泰之心

頌逮臣工共凜恬武嬉文之戒臣幸承
宸藻恭讀

奎文昌勝罄贊颺惟深欽佩所有臣忤感下忱謹恭摺

奏謝

天恩伏祈

皇上睿鑒謹

奏

閏五月十九日具

奏

奏為恭謝

天恩事竊臣奉到

欽賜

御題太常仙蝶詩並韓幹明皇試馬圖墨刻各一分當即恭設

香案望

闕叩頭祇領欽惟我

皇上

對時育物

鑒古垂型百昌遊

仁壽之天化生亦鍾靈氣六馬凜馳驅之戒藝事即寓宏規爰

天出傳異蹟于太常更仿寫生于韓幹輕籠彩合看鳳子之端

趨迴立華軒訝龍媒之蹀躞變非漆園之入夢聞見皆真

異貞觀之陳圖鑒衡有託衣翻葛令欣示現于容臺款別

宣和笑晏和安于天寶偶橋

睿藻各錫

標題五言爰誌其來賓七字聿深于

垂教披從

秘殿陋金粉于騰王貌出花驄軼丹青于曹霸場動識就瞻

疑作孺動

之義紀彼嘉祥

鴻章鏤琬之文貽茲法戒臣欣逢

宣賜倍切傳觀得氣成仙
翰墨悉臻神妙多能惟

聖畫圖不異箴銘莫罄抃歡曷勝欽佩所有感激下忱謹恭摺

奏謝

天恩伏祈

皇上睿鑒謹

奏
七月十三日具奏

奏為恭謝

天恩事竊臣接閱江南省鄉試錄知臣胞姪畢裕曾由附生應

乾隆五十四年己酉

恩科江寧鄉試中式第四十四名舉人當即恭設香案望

闕叩頭謝

恩伏念臣家自蓬茅才同樗櫟丁年志學甲第叨榮覩

中秘之琳瑯早廁
西清妙選領疆巖之鎖鑰久膺

北極殊施卅載受

特達之知一家荷

生成之德臣姪裕曾幼原孤露長習儒風素守遺經貽謀式穀

竊幸

賜書秘府津逮下及童蒙

頒祿天儲養直周幼稚敬凜

綸音于

錫翰益勉經訓以克家茲逢

壽世作人景慶頌

萬年慈福遂舉闕門鉅典菁莪邀兩世科名函煦

鴻恩弱植幸霑

湛露甄陶

雅化小草亦荷

榮光莫罄感欣難酬

高厚所有臣感激下忱謹恭摺

奏謝

天恩伏祈

皇上睿鑒謹

奏

十一月初三日

奏

禮